

13. NAO - 2016ko urtarrilaren 21a

36. NAO - 2022ko otsailaren 18a (tarifaren aldaketa)

12. ORDENANTZA FISKALA, HERRIKO JABARI PUBLIKOKO ZORU, HEGALKIN ETA ZORUPEAREN ERABILERA PRIBATIBO EDO APROBETXAMENDU BEREZIAREN TASAK ARAUTZEN DITUENA

OINARRIA

1. artikulua. Ordainarazpen hau ezarri da Nafarroako Toki Ogasunei buruzko martxoaren 10eko 2/1995 Legearen lehenengo tituluko IV. kapituluko 7. atalean xedatutakoaren arabera eta lege beraren 12. artikuluan jasotzen den baimenari jarraituz.

ZERGAPEKO EGINTZA

2. artikulua. Zergapeko egintzak dira herriko jabari publikoko zoru, hegalkin eta zorupearen erabilera pribatiboak edo aprobetxamendu bereziak, hala nola:

- a) Erabilera publikoko zorupea okupatzea.
- b) Erabilera publikoko lurra salgai, eraikuntzako material, hondakin, hesi, puntal, euskarri, aldamiio edo gisako instalazioen bidez okupatzea.
- c) Pisuetako burdinsareak, soto edo sotoarteei argia, aireztapena, pertsonen sarbidea edo ibilgailuen sarrera eman ahal izateko herriko edozein eremu publikotako zoru edo zorupean kokatutako lukana, arnasbide, ate, karga-aho edo gisako elementuak, bai eta argi-sare publikotik egindako hargunea ere.
- d) Toki entitateko edozein eremu publikoko hegalkina ukitzea, eraikinak ixteko elementu, terraza, behatoki, balkoi, markesina, olana edo gisako instalazioekin, eremu publikoaren gainean dauden edo fatxadaren lerrotik ateratzen diren hegalkinak, eta balkoi eta terrazak kristalez ixtea.
- e) Toki entitateko eremu publiko edo jabari publikoko bertzelako lurretan edo haien hegalkinean kokatuta dauden hariak, hodiak eta galeriak, argi indarra, ura, gasa edo bertze edozein isurkari eramateko; kableak, horma-besoak, lotura, banaketa edo erregistrorako kaxak, transformadoreak, burni-barrak, baskulak, aldamiok eta gisakoak; eta salmenta automatikorako tresnak eta gisakoak.
- f) Irabazteko xedarekin mahaiak, aulkiak, tribunak, oholtzak edo haien gisako bertzelako elementuak jarri erabilera publikoko lurra okupatzea.
- g) Eremu publikoan kioskoak paratzea.
- h) Erabilera publikoko lurretan kokatutako postu, barraka, saltoki, ikuskizun, atrakzio eta jolaskizunak jartzea, bai eta kalez kaleko industriak eta zinema filmaketa ere.
- i) Portada, erakusleiho eta beira-arasak.

j) Erregaiaren biltontziak eta hornigailuak eta, oro har, erabilera publikoko lurretan kokatutako artikulua edo salgaiak.

k) Toki entitateko jabari publikoko lurak okupatzen dituzten edo herriko errepide edo eremu publikoetatik ikusgarri diren iragarkiak jartzea.

l) Lur, eraikin edo hesiei eusteko hormak, behin betikoak zein behin-behinekoak, herriko eremu publikoetan.

m) Azienda herriko eremu publiko edo jabari publikoko lurretan barna igarotzea.

ORDAINDU BEHARRA

3. artikulua. Ordaindu beharra erabilera pribatiboa edo aprobetxamendu berezia hastean sortzen da, eta aurretik behar den baimena eskatu behar da.

Udalaren nahitaezko lizentziarik aurretik izan gabe erabilera edo aprobetxamendua hasten bada, ordenantza fiskal honetan ezarritako tasa pagatzeak ez ditu izandako erabilera edo aprobetxamenduak legeztatuko eta kalte-ordainik eman gabe instalazioak kentzeko agindu daiteke.

Ordenantza honetako erabilera edo aprobetxamenduak tasaren aldian behingo sorrarazpena behar badu, hura urtarrilaren 1ean izanen da urtero eta zergaldia urte naturala izanen da, salbu eta erabilera pribatiboa edo aprobetxamendu berezia urte hartan hasi edo bukatu den kasuetan, orduan zergaldia horren arabera moldatuko baita eta berdin kuota hainbanatuko.

Festetan, kalez kaleko salmenta denean, eranskinean aipatzen den fidantza emanen da, eskabidea egiten denean. Azkenik, behar den baimena tramitatu eta eman ondotik, onuradunaren erruz salmentan hasten ez bada, zenbateko hori Udalak beretako hartuko du, tramitazioko gastu gisa.

ORDAINTZERA BEHARTUAK

4. artikulua. Tasa ordaintzera beharturik daude, zergadunak diren aldetik, pertsona fisiko zein juridikoak eta, nortasun juridikorik ez izanik ere, unitate ekonomikoa edo ondare berezia osatzen duten entitateak, baldin eta, toki entitateko jabari publikoko zoru, hegalkin edo zorupearen erabilera pribatiboa edo aprobetxamendu berezia egiten badute, edo hari onura ateratzen badiote.

Eremu publikoan paratzen diren edukiontzien kasuan, lizentziaren titular edo aprobetxamenduaz baliatzen direnez gain, zaborrontzien jabeek eta etxegileek ere ordaindu beharko dute.

5. artikulua. Hornidurako zerbitzu publikoak ustiatzen dituzten enpresek zoruan, hegalkinean eta zorupean egindako erabilera edo aprobetxamenduen tasak horien gaineko ordenantza fiskalen edo aplikagarri diren udal erabakien menpe egonen dira.

OINARRIAK, TASAK ETA TARIFAK

6. artikulua. Tarifak aplikatzeko oinarria zehaztuko da erabileraren edo aprobetxamenduaren iraupenaren eta okupatutako eremu publikoaren azaleraren arabera.

7. artikulua. Tarifak ordenantza honen eranskinean agertzen dira.

KUDEAKETA ARAUAK

8. artikulua. Erabilpen pribatiboak edo aprobetxamendu bereziak berekin dakartenean toki erakundearen jabari publikoaren suntsiketa edo narriadura, onuraduna, behar den tasaren ordainketa ukatu gabe, aipatu horiek berreraiki edo konpontzeko gastuen kostu osoa ordaintzera beharturik dago, bai eta aurretik zenbateko hori gordailutako uztera ere.

Gordailu hori ukituta gerta daitezkeen ondasun eta instalazio guztien balioaren arabera finkatuko da, hura zenbakietara ekartzeko udal teknikariak txostena aldeztuz eginda.

Eremu publikoa edukiontziekin okupatzen bada, eremu publikoan edukiontzia paratzeari buruzko Ordenantza ezarritako zenbatekoei jarraituz finkatuko da gordailua.

Indarra duen arautegia edo lizentziaren baldintzak ez betetzeagatik ezarritako zehapenekin lotu daitezke gordailua. Fidantza itzultzeko beharrezkoa izanen da aldeztuz txostena, non indarra duen arautegia eta lizentziaren baldintzak hertsiki bete eta zoladura behar bezala konpontzen den islatuko baita.

9. artikulua. Erabilera dela eta sortutako kalteak konponezinak badira, onuradunak, desegindako gaiek zenbat balio duten edo kaltetutakoen balio galera norainokoa den, horrenbeste emanen dio ordainetan Udalarari. Bereziki konponezintzat hartuko diren kalteak interes artistiko edo historikoa duten monumentuetan eta 20 urte baino gehiagoko zuhaitzetan egindakoak izanen dira.

Lehenik eta behin fidantzek kalte-ordain horiek estaliko dituzte.

10. artikulua.

1. Ordenantza honetan araututako tasei lotutako aprobetxamenduek behar den errolda edo zentsua izanen dute ohikoak eta etengabeak badira. Tasa urtean behin ordaindu beharko da, Ordenantza fiskal orokorrean ezarritako epe eta baldintzetan.

2. Erabilerak edo aprobetxamenduak lizentziarik behar ez badute, aurretik dagokien kuota ordaindu beharko da. Horrela izanez gero txartela jaso beharko da, behar bezala datatua, horretarako izendatzen diren langileen eskutik.

3. Gainerako kasuetan, likidazioa dagokion bulegoan eginen da. Tasa lizentzia edo kontzesioa eman dela jakinarazi baino lehenago ordainduko da, erabilera edo aprobetxamenduaren epea zehazki finkaturik dagoenean. Hala ez bada, pagamendua erabilera edo aprobetxamendua amaitutakoan eginen da, hau da, partikularrak Udalarari bukatu dela jakinarazten dionean.

Erabilera edo aprobetxamendua sasoi osorako ematen bada, tasa ordain daitezke hiruhileko mugaeguna iragandakoan. Ez da eginen hiruhilekoaren likidazioa erabilera edo aprobetxamenduari uko egiten bazaio hiruhileko hori hasi baino gutxienez hilabete bat lehenago.

4. "Mahai, aulki eta mahaitxoak" izeneko 1. epigrafeari dagokionez, Udalak baimena osorik balio gabe utzi edo aldi baterako ken dezake, betiere arrazoi bidezko, obra, konpontzea eta abarren bat badago, eta kobratutako tasaren zati proportzionala soilik itzultzera behartuta dago.

SALBUESPENAK, HOBARIAK ETA EZ ORDAINTZEKO KASUAK

11. artikulua.

1. Organización Nacional de Ciegos Españolesen kioskoak tasak ordaintzetik salbuetsita daude.

2. Eremu publikoa okupatzeko tasa zein kasutan ez den ordaindu behar:

a) Informazio, pedagogia, zientzia, laguntza edo enplegu kanpainetan, irabazteko asmorik gabeko elkarteek egiten dituzten okupazioak, haien jarduerarekin ikustekoa badute eta salmentarik, merkataritzarik, negozioarik edo transakzioarik gabe egiten badira.

b) Aspalditik egin diren kanpainiak ongintzarako dirua biltzeko (Gurutze Gorria, minbiziaren kontrako kanpainia, HIESaren kontrako kanpainia etab.), eremu publikoa okupatzea badakarte.

c) Barañaingo Udalak babestuta edo sustatuta eremu publikoan egiten diren jarduerak, entitate edo elkarte pribatuek antolatzen badituzte.

2022KO TARIFEN ERANSKINA - 36. NAON ARGITARATUA 2022KO OTSAILAREN 18A

2022ko TARIFAK (euroak)

I. epigrafea.–Lurzoruko aprobetxamendu bereziak

–Mahaiak eta aulkiak (terrazak), mahai hankabakarrak estali gabeak, urtarriletik apirilera eta azarotik abendura (neguko denboraldia), m² bakoitzeko

13,68

–Mahaiak eta aulkiak, mahai hankabakarrak estali gabeak, maiatzetik urrira (udako denboraldia), m² bakoitzeko

13,68

–Antzeko beste instalazio batzuk (upelak, mahai garaiak, aulki garaiak etab.) m² eta urte bakoitzeko

27,35

–Mahai hankabakarrak, estaliak, m² bakoitzeko

44,20

–Feriak

–Festetako atrakzioak

6416,80

–Karabanak, atoiak eta automobilak ez diren gainerako ibilgailuak, espresuki emandako baimena dutenean, nahiz eta tasa ordaintzeak ez duen berez esan nahi baimena duenik - Zenbatekoa, egunean

4,11

- Zenbatekoa, hilabetean

60,84

–Bestelako erabilera edo aprobetxamendua, jarduera ez ekonomikoetarako, hesietarako, aldaerretarako, obretako edukiontzietarako...

–Jarduera ekonomikoa ez bada: 10 m² edo zati bakoitzeko, eguneko, 20 eurotik gora

1,15

–Bestelako erabilera edo aprobetxamendua, jarduera ekonomikoetarako: 10 m² edo zati bakoitzeko, eguneko, 20 eurotik gora

1,68

–Ostatuetako barrak, jaietan, m² bakoitzeko

21,01

–Kioskoak, maiatzetik urrirako denboraldia

333,84

–Merkatu txikia

- Zenbatekoa, egunean

39,52

- Zenbatekoa, hilabetean	93,60
- Hiruhilekoa	256,88
- Seihilekoa	491,92
- Urtebetez	929,76
-Kalez kaleko salmenta, festetan	92,56
-Kaleko saltoki bakoitzeko fidantza	23,92
-Eremu publikora jotzen duten fatxadetan banku entitateek jarritako kutxazainak	
- Jarritako kutxazain bakoitzeko, urtean	126,88
-Kupoiak eta loteriak saltzeko kioskoak eta kabinak	
- Kabina edo kiosko bakoitzeko, urtean	69,16
-Saltzeko makinak, eremu publikora jotzen duten fatxadetan	
- Kabina edo kiosko bakoitzeko, urtean	69,16
II. epigrafea.-Lurgaineko aprobetxamendu bereziak	
-Lurgainean eginen diren aprobetxamenduetan aplikatu beharreko tarifak izanen dira I. epigrafean ezarritakoen %50 (I. epigrafea: "Bestelako erabilera edo aprobetxamendua, jarduera ez ekonomikoetarako")	